

公共圖書館自一九九一年起舉辦「全港詩詞創作比賽」，單年比詩，雙年比詞，旨在提高市民之中國語文運用及韻文欣賞的能力。今年舉辦的「第二十五屆全港詩詞創作比賽」，已是第十三度的「律詩比賽」。評審委員有何文匯教授、陳志清教授、陳煒舜教授、黃坤堯教授、鄧佩玲教授及劉衛林教授。

比賽分學生組及公開組，題材由參加者自定，五言或七言律詩不拘，用韻則限用「八齊」及「八庚」二韻。是屆的參賽者非常踴躍，共收到千多份參賽作品。學生組參賽者來自各大專院校及高中學生；公開組參賽者則來自社會不同階層。是屆參賽者的作品水準甚高，評審委員經初選、複選，反覆討論，才能決定名次。為確保評選公正，整個評審過程採用糊名方式進行。評判團更約見了學生組入選參賽者，並要求入選者即席對聯，才定出優勝作品。

【學生組】

冠軍 霍霖
香港中文大學

秋夜不寐遣懷

風卷玄雲樹影橫，寒蟬對月寄殘聲。
秋來舊侶頻飛蓋，宴罷孤衾復泣荆。
遊藝廿年悲有盡，攻書百帙嘆無成。
臨軒聽雨愁眠夜，桂落閒庭又五更。

亞軍 趙曉昱
香港中文大學

登雁門

君看雁門橫，浮雲自此生。
屏藩畿甸地，車輔晉陽城。
白水連天繞，青山接日平。
從來多險絕，不可問歸程。

季軍 孟小然
香港中文大學

題華陰楊主簿墓

不識狂徒廟，荒碑蔓草迷。
依山枕關闕，向水望鳧鷖。
卅里才堪信，經年賦未題。
翩然從此逝，毀譽入棗醅。

優異獎 林浚灝
皇仁書院

過北角春秋街感家鄉話式微有作

遺民閩地苦經營，正韻承傳自晉京。
國語強推悲寶島，方言盡滅惜獅城。
常因古意思先世，每歎鄉音遠後生。
七十年間多少事，電車無語但叮叮。

優異獎 胡家豪
香港中文大學

紙飛機

兩手揉來似葉輕，亦緣刻骨鏤心成。
幾番人事風兼雨，咫尺生涯我負卿。
舉翅何愁天地窄，微軀每向浪潮傾。
此生喜擲扶搖翼，猶憶兒時第一程。

優異獎 梁采珩
香港中文大學

校園漫步

清風收宿雨，日向塔邊明。
老樹凝新碧，疏鐘宕曉聲。
燕飛芳草潤，人踏落花輕。
款款螢園路，青春結伴行。

優異獎 楊惟健
聖馬可中學

送友赴英留學

六載同窗挾令名，離歌不作愴懷聲。
臨歧敢擇申韓術，去國休耽楚越情。
璞玉他山謀礪琢，橫流暫地閱衰榮。
歸來豈得違初願，吼海紅獅振我城。

優異獎 羅惠丹
香港中文大學

遊西湖

梨花細雨傷春暮，輕曳蘭橈向渚西。
路轉鶯聲尋石塔，風翻柳絮見蘇堤。
豈聞靈隱笙歌杳，不覺龍吟桂月低。
枕水村家煮新藥，白雲深處話淒淒。

特別獎 陳栢謙
香港道教聯合會鄧顯紀念中學

春歸感時

花褪鶯殘綠滿城，晚來風急亂蟬鳴。
五更疏雨愁難破，千里家山夢欲清。
把酒偏宜消客恨，憑欄無處不關情。
春衫早被緇塵誤，誰與尊前對月明。

特別獎 楊慧成
香港公開大學

秋途

暮色生寒入舊城，琴弦繞柱曲中鳴。
天邊一雁清波影，眼裡千溪濁水聲。
頓惜秋殘隨草落，常憐月盡羨花榮。
迷途獨路流螢指，不見星槎夜候迎。

【公開組】

冠軍 李敬邦

頁上死蚊

不解文詞義，緣何頁上棲。
手頭誇殺快，眼底悔飛低。
有字傾心血，無聲壓肉泥。
被叮人在否，陳跡伴眉批。

亞軍 潘少孟

往曲藝社途中失落洞簫

赴約虞韶管自攜，沿途安步顧東西。
忽驚引鳳簫何在，料化飛龍影已迷。
按指時供人喜樂，移唇盡訴市悲悽。
悵然惋惜非遺寶，無復丁東奏大齊。

季軍 施教農

尚書第

寂寞高牆上，朱甍耀半城。
曾經弦管鬧，只剩蘚苔生。
富貴當樓飲，漁樵遠道行。
匆匆都是客，何必較枯榮。

優異獎 李愛道

詠雪

寒衾孤館曉微明，底事依稀曳玉聲。
妝點驛梅同素淡，舞教隄柳失輕盈。
故人剡曲三更興，遷客藍關萬里情。
昨夜九霄誰弄笛，瓊花吹落滿江城。

優異獎 陳仲基

中環遇友

竟似新相識，長談大道西。
拋將近事了，笑把舊聞提。
海上霞光遠，天邊月色淒。
家貧無至味，亦有嫩黃雞。

優異獎 陳偉祥

瀝源暮景

景翳城河路，歸途夕照低。
波平銀水鏡，樹暗綠雲堤。
夾岸張燈火，飛橋亮彩霓。
此心同鷺倦，願泊一枝棲。

優異獎 陸志康

夕卧

人疲山路險，萬木晚烟迷。
雨急溪流漲，雲飛峽谷低。
涼風吹閣北，炎日落山西。
靜卧飛簷下，林中鳥肆啼。

優異獎 鍾一暉

登羅浮山

一岳蓬萊泛海盟，層峰絕頂靄雲生。
叢林亂石迷山徑，飛瀑迴風空谷鳴。
老子真經猶在壁，葛洪丹灶冷無聲。
昇仙得道留痕處，百代滄桑幾許情。

特別獎 黃以芍

馬留山水塘垂釣

松蔭篁遮路半明，釣翁過處起鞋聲。
蛙無避客非關熟，猴縱跟人也怯生。
塘大絲嫌三丈短，水清竿映一枝輕。
曾聞地靜多山鬼，風響空林幾度驚。

特別獎 彭圖南

大澳文物酒店

於今誰復認前營，曾駐貔貅十萬兵。
西控珠江通粵路，東連南澳接鵬城。
陽明隱隱魚龍蟄，風雨淒淒戈甲鳴。
今日臨風一杯酒，閒從豎子數豚鯨。

*優異獎及特別獎排名按姓氏筆劃序

第二十五屆

全港詩詞

律詩

創作比賽

獲獎作品